

開放文學 – 神鬼仙俠 – 人虎傳 人虎傳

隴西李征，皇族子，家於號略。微少博學，善屬文。弱冠從州府貢焉，時號名士。天寶十載春於尚書右丞楊沒榜下登進士第。後數年，調補江南尉。征性疏逸，恃才倨傲，不能屈跡卑僚。嘗鬱鬱不樂。每同舍會，既酣，顧謂其群官曰：「生乃與君等為伍耶！」其僚佐咸嫉之。及謝秩，則退歸閉門，不與人通者近歲餘。後迫衣食，乃具妝東遊吳楚之間，以乾郡國長史。吳楚人聞其聲固久矣。及至，皆開館以俟之。宴游極歡。將去，悉厚遺以實其囊橐。征在吳楚且週歲，所獲饋遺甚多。西歸號略。未至，舍於汝墳逆旅中。忽被疾發狂，鞭捶僕者。僕者不勝其苦。如是旬餘，疾益甚。無何，夜狂走，莫知其適。家僮跡其去而伺之，盡一月而征竟不回。於是僕者驅其乘馬，挈其囊橐而遠遁去。